

Nekoliko bitnih tačaka za žene i muškarce

<"xml encoding="UTF-8?">

Sumnjičave žene

Nije pogrešno ako žena motri na svog supruga, ali samo ako to ne prelazi u stanje sumnje i nepovjerenja. Sumnja je destruktivna i neizlječiva bolest. Nažalost neke žene su podlegle ovoj bolesti. Sumnjičava žena zamišlja da joj je njen suprug, zakonito ili nezakonito, nevjeran. Ona zamišlja da je njen suprug oženjen drugom ženom ili da se namjerava oženiti. Ona ga sumnjiči da ima vezu sa svojom sekretaricom ili drugom ženom. Ona gubi povjerenje u njega zato što dolazi kasno kući ili zato što je viđen kako razgovara s nekom ženom. Ako on pomaže udovicu i njenu djecu, supruga može pomisliti da on, pored milosrđa, ima drugi interes za nju. Ako neka žena uputi njenom suprugu kompliment, govoreći mu da je zgodan i učitiv, ona zaključuje da se on zanima za tu ženu. Ako nađe nit kose u njegovom autu, ona pomisli da u njegovom životu postoji druga žena. Žene, s takvim mišljenjima i neubjedljivim dokazima, postepeno stiču sigurnost u suprugove nevjerstvo. One razmišljaju o tome dan i noć. Također o tome govore drugima, prijateljima i neprijateljima, koji u ime simpatije, preuveličavaju neosnovane tvrdnje i zauzvrat govore zabrinutim ženama o drugim nevjernim muževima. Rasprave i svađe počinju da uzimaju maha. Žena počinje da zanemaruje kućne poslove i djecu i može čak i da ode svojim roditeljima. Ona bi ga pratila i rovila po njegovim džepovima. Čitala bi njegova pisma i obrazložila bi bilo kakvu trivijalnu stvar kao razlog njegovog nevjerstva. Ovakvim ponašanjem, ona bi otežala porodični život i pretvorila dom u užareni pakao u kojem bi i ona, također, patila. Kad bi joj muž dao dokaz svoje nevinosti, pa se zakleo da nije počinio ništa loše, ili zaplakao, ona ne bi bila zadovoljna. Čitatelj je sigurno naišao na ovakve žene, ali bilo bi korisno da se upozna sa slijedećim slučajevima: Žena je rekla porodičnom sudu: "Nemojte biti iznenađeni što sam nakon dvanaest godina bračnog života i troje male djece, odlučila da se razdvojim od supruga. Uvjerena sam da mi je muž nevjeran. Prije nekoliko dana vidjela sam ga kako šeta ulicom s atraktivnom ženom. Čitala sam nedjeljni magazin koji ima rubriku i preiskazivanje sudbine. Svake sedmice, u horoskopu moga muža, pisalo je da će provesti ugodno vrijeme s ljudima koji su rođeni u junu. Ja sam rođena u februaru, dakle ja ne spadam u te koji se spominju u horoskopu. Osim toga, osjećam da moj muž nije više tako nježan prema meni kao što je bio." Suprug ove žene kaže: "Molim vas, recite mi šta da radim. Volio bih kada bi ovi

časopisi uzimali u obzir čitatelje poput moje žene, kada ne bi iznosili toliko mnogo laži. Vjerujte da su ovi horoskopi pretvorili moj život i živote moje djece u ruševine. Ako jedan od ovih horoskopa kaže da ću ove sedmice doći do ogromne sume novca, onda bi ona došla kod mene i upitala šta sam uradio s tim novcem? Ja mislim da je vjerovatno bolje za oboje da se rastavimo, zato što ona ne koristi razum." Muškarac je izjavio u sudnici: "Prije mjesec dana, kada sam se vraćao sa zabave, kolega me zamolio da odvezem kući njega i njegovu suprugu. Sljedeći dan mi je žena zatražila da je odvedem njenim roditeljima. U putu, se osvrnula i pronašla pramen kose na zadnjem sjedištu auta. Upitala me kome pripada taj pramen kose. Bio sam u panici i nisam joj mogao dati odgovarajuće obrazloženje. Ostavio sam je u kući njenih roditelja i otišao na posao. Kada sam došao po nju te noći, odbila je da krene sa mnom.

Upitao sam je za razlog? Odgovorila je da bi bilo bolje da živim s vlasnicom onog pramena."! "Mlada žena se žalila sudu i izjavila: Moj muž dolazi kući kasno svake noći zbog prekovremenog rada. Zabrinula sam se zbog toga, a moje sumnje su porasle zbog onoga što su govorili moji susjedi. Rekli su mi : da me muž laže i da ne radi noću, nego da se provodi. Zbog toga ja nisam spremna da živim s lažovom." U tom momentu suprug je izvadio nekoliko pisama iz svog džepa i stavio ih na stol ispred sudije, te ga zamolio da ih naglas pročita kako bi dokazao svoju nevinost i spriječio ženino neumjesno ponašanje. Sudija je počeo da čita pisma naglas. Jedno od pisama bilo je mjerenje o njegovom prekovremenom radu od 4 do 8 sati naveče. Druga pisma su se, također, odnosila na njegov posao gdje se tražilo od njega da pohađa određene seminare. Žena je istupila naprijed i nakon što je razgledala pisma, izjavila je: "Pretražila sam njegove džepove svake noći, ali nisam vidjela ni jedno od ovih pisama." Sudijaje odgovorio: "Možda ih je ostavio na poslu." Mladi muškarac je rekao: "Nepovjerenje moje žene prema meni je toliko poraslo da sam ja postao sumnjičav prema njoj. Svake noći imam košmare. Sumnjam kako ona voli drugog muškarca i želi da se rastavi od mene kako bi se udala za njega." U tom momentu, mlada žena je potrčala prema supruhu i plačući od radosti, izvinila mu se, a potom su oboje napustili sudnicu. Zubar se žalio sudu i izjavio: "Moja žena je pretjerano ljubomorna. Ja sam zubar i u moju ordinaciju dolaze na tretman i žene. Ovo je proizvelo ljubomoru moje žene i svaki dan se zbog toga svađamo. Ona smatra da ja ne bih smio primati ženske pacijente. Ali ja ne mogu da izgubim svoje redovne pacijente. Volim svoju ženu, a i ona mene voli, ali ovo njeno besmisleno očekivanje uništava naše živote. Prije nekoliko dana došla je u moju zubarsku ordinaciju i prisilila me da odem. Otišli smo kući i posvađali se. Rekla mi je: "Došla sam u tvoju ordinaciju i sjela pored mlade djevojke u čekaonici. Razgovarale smo o tebi i ona je, neznajući da sam ja tvoja žena, rekla: "Zubar je zgodan i ućtiv muškarac?" Zubar je nastavio da govori: "Zbog djevojčinog mišljenja, moja me

supruga izvukla iz ordinacije na ponižavajući način." Žena je žaleći se sudu, rekla: "Jedna od mojih prijateljica mi je rekla da moj suprug odlazi u kuću nepoznate žene. Jednog dana sam ga pratila i vidjela da je to istina. Sada tražim od suda da ga kaznite!" Suprug je, potvrđujući ono što je njegova supruga rekla, izjavio sudu: "Jednog dana sam svratio u apoteku da kupim neki lijek. U apoteci sam ugledao ženu koja je kupovala mlijeko u prahu. Nije imala dovoljno novca da plati mlijeko, pa sam se ponudio da joj pomognem. Kasnije sam otkrio da je ona bila siromašna udovica. Zato sam odlučio da nastavim da joj pomažem." Sudija, nakon što je ispitao situaciju, uvjerio se u istinitost njegovih tvrdnji i pomirio par." Ovakvi se slučajevi događaju u mnogim porodicama. Porodična atmosfera se pretvara u mjesto pesimizma, sumnje i neprijateljstva. Djeca pate i mentalne posljedice su ozbiljne. Ako bi došlo do razvoda, i muškarac i žena bi bili gubitnici zbog toga što, s jedne strane, muškarac ne bi bio u stanju da pronađe drugu suprugu koja je bolja od prethodne. S druge strane, djeca bi patila i ne bi mogla da uživaju zdrav život. Djeca bi se mogla čak suočiti s novini problemima zbog očuha ili maćehe.

Muškarac možda misli da će se nakon razvoda od svoje supruge, moći oženiti "savršenom" ženom, s kojom će živjeti u miru. Ah, ovo nije ništa drugo do san i njegova realizacija je veoma neizvjesna. Razvodeći se od svoje žene, on može naići na nove probleme sa novom suprugom. Razvod, također, nije put utjehe i sreće za ženu. Iako je moguće da postigne zadovoljstvo zbog svoje osвете, preudaja neće biti jednostavna za nju. Ona će možda morati da živi sama do kraja svog života i vjerovatno neće, čak, ni uživati u društvu svoje djece. Čak i ako se ponovo uda, nije izvjesno da li će njen novi suprug ispuniti njena očekivanja. Možda će čak morati da odgaja djecu muškarca čija je žena umrla. Stoga, niti' razvod, niti rasprave i svađe ne mogu spasiti par. Ali postoji način za spasenje. Najbolji stav je da i muškarac i žena odustanu od svađe i pokušaju biti razumni. Muškarci imaju veću odgovornost u ovoj situaciji, i zapravo, ključ rješenja je u njihovim rukama. Muškarci mogu, strpljenjem i opraštanjem, spasiti sebe od .nevolja i također, pomoći pri otklanjanju osnova sumnje svojih suprug

:A sada, nekoliko riječi za muškarce

Prvo, dragi gospodine! Trebalo bi da upamtite da vas, čak iako sumnja u vas, vaša žena voli. Ona se brine za vašu djecu i porodični dom. Ona se boji rastave. Ona bi, svakako, patila zbog vaših jadnih životnih prilika. Da vas nije voljela, ne bi bila ljubomorna. Stoga, ona ne uživa u sadašnjoj situaciji, ali šta može ako je bolesna? Neki bolesnici imaju reumu, a neki kancer.

Vaša žena pati od duševne bolesti, i ako ne vjerujete u to, onda je odvedite psihijatru. Trebalo bi da budete saosjećajni i sažaljivi prema njoj. Ne bi trebalo da budete ljuti na nju i da se svađate. Niko se ne može prepirati s bolesnom osobom. Ne reagujte grubo na njene neučtivosti ili izgovore. Nemojte se na kraju krajeva potući s njom. Ne idite na sud. Ne zanemarujte je. Ne govorite o razvodu ili rastavi. Ništa od ovoga ne može izliječiti njenu bolest, ustvari, mogu je samo pogoršati. Morate biti što je moguće ljubazniji prema njoj. Možete je duboko mrziti zbog njenog ponašanja, ali ne postoji nikakav drugi način. Morate se ponašati prema njoj tako da je ubijedite u svoju nevinost. Drugo, trebalo bi da se potrudite i stvorite situaciju međusobnog razumijevanja. Ne skrivajte ništa od nje. Dopustite joj da pročita pismo, čak prije nego što vi to učinite. Ostavite joj nadohvat ključeve od vašeg privatnog stola, ladice ili sefa. Dozvolite joj da pregleda vašu tašnu i džepove. Dozvolite joj da vas nadzire. Ne smijete izražavati nezado-voljstvo zbog bilo koje od navedenih pojedinosti, nego ih smatrajte moralnim postupcima u zdravom i prijateljskom porodičnom životu. Nakon posla, ako nemate nikakvih drugih obaveza, vratite se kući što je moguće ranije. Ako iskrсне važan sastanak na kojem bi trebalo da prisustvujete, onda obavijestite svoju suprugu i recite joj gdje idete i kada bi trebalo da očekujete vaš povratak kući. Onda nastojte da budete tačni. Ako kasnite s povratkom kući, onda odmah objasnite supruzi razlog. Pazite da ne slažete, inače će vaša supruga postati sumnjičava. Posavjetujte se s njom u vezi s vašim poslovima. Ne skrivajte ništa od nje. Razgovarajte s njom o svom domu. Zadržite njeno povjerenje. Tražite od nje da vas upita o bilo kakvoj nejasnoj stvari koja je možda muči. Treće, vi možete biti nevini u odnosu na njenu sumnju, ali sumnje žena u većini slučajeva nisu ni neosnovane. Možda ste nepažnjom uradili nešto stoje uznemirilo njenu dušu i učinilo je podozrivom prema vama. Trebalo bi da pažljivo razmislite o svojim učenjima i postupcima. Mogli biste tada otkriti uzrok njene sumnje. Na ovaj način mogli biste bolje riješiti problem. Na primjer, ako se puno šalite s drugim ženama, pokušajte da to više ne radite. U čemu je svrha da vas naziva zgodnim i učtivim po cijenu ženine sumnje i njenog nepovjerenja prema vama? Zašto bi ste izazivali njenu sumnju šaleći se sa sekretaricom ili kolegicom? Zašto biste uposlili ženu da radi? Ne šalite se s drugim ženama na zabavama. Ako želite da pomognete siromašnoj udovici, zašto ne biste o tome obavijestili svoju suprugu? Možete čak pomoći udovici posred-stvom svoje žene. Ne mislite da ste rob ili čovjek u okovima. Ne bi trebalo da budete rob nego mudar muškarac koji, sporazumijevajući se sa svojom suprugom, vodi brigu o njoj. Trebalo bi da joj pomognete da; prevaziđe ovaj problem. Strpljenjem i mudrošću trebalo bi da otklonite opasnosti koje ugrožavaju temelj vašeg svetog bračnog života. Tada biste zaliječili bolest svoje žene i tako biste spasili djecu od nesreće. Učinili biste ogromnu uslugu sebi i mentalno i materijalno. Povrh toga, Allah

.nagrađuje ljude koji su spremni da žrtvuju sebe u važnim momentima kao što je ovaj

Hazreti Alija r.a. je rekao: *"Ponašajte se umjereno prema ženama u svakoj prilici. Razgovarajte
"?s njima ljubazno da bi njena djeca bila dobra*

Hazreti Sedžad r.a. je ustvrdio: *"Jedno od prava žene kod njenog supruga je da bi trebalo da joj
"?on oprostí njeno neznanje i nepromišljenost*

Allahov Poslanik s.a.v.a, je izjavio: *"Svakom muškarcu koji izlazi na kraj sa svojom suprugom,
Svemogući će Allah, zbog njegovog strpljenja (prema svojoj supruzi), u svakoj prilici, dati
".nagradu hazreti Ejuba a.s. za strpljenje*